

Ooma Ottawa soo Itapatishiwin Ashoutamakaywin ishi La Vayritee pi Weechiwawhkoostouwin

“Namoo ihtakwun nawat aenportaan atoushkaywin poor aen zhawn'd Kenadaw ishpiischee chi-paystahkik peekishkwaywina ouschi Indigene Li moond. Aykwawnima ooma ayishayinoo soo pishkayimiwawn — chi-ouschiskawiskahk li narveu, ashkaw keekwawakinawkwun la vayritee, chi-kishkinwahamashouhk, chi-natouhchikawtayk, chi-mamitonayihchikawtayk, chi-kishkayista, meena chi-nahayihtahk avek neu kishkayistamouwin pi miyeuwatishiwin.”

KISCHEE OKIMAHKAN (OKEESHATOUSHKAYW) ROMEO DALLAIRE

OOMA LI TAWN'D KAYAWSH AWCHIMOUSHTAWKAYWIN OUSCHI SHAKOUCHIHIWAYWIN PI PAKWATEM-INDIGENE PEEWAYMAYWAYWIN DIDAWN KENADAW SI MITOUNI KAYHKANAKWUN.

Ashpin ouschi **avawn ishpee ishi Kaw-Mamawiitowhk** ishpee 1867;

- ↳ ishi ooma **aen pawsawzh ouschi Lee lway'd Li Promyee Nawsyoon ishpee 1876**, kaw-oushistawniwun Li Promyee Nawsyoon kenawayischikaywak ouschi aen piyee;
- ↳ ishi ooma **oushistawin itay kawweekihk l'ikol**, kiko natounam chi- “nipahawt Li Promyee Nawsyoon didawn li zawnfawn” shawpou ouhpimaen itishahikawaywin 150,000 li zawnfawn ouschi see famee pi see alawntour;
- ↳ ishi **ooma “Swesawnt Outinikawshouwin”**, kiko ouhpimaen itishahikawaywak mishchayt Indigene li zawnfawn awashitay see famee ouschi enn provayns pi la gouvanimaw parmi li moond atoushkaywuk pi kee-ahawuk chi-ouhpikihawichik keema ouhpikikakun le maizoun;
- ↳ ishi **mischaytinwa itouwahk ouschi kakwatakihaywin tipayischikaywin** pawsci Indigene Li moond pi la naurel li tayraen chi-en'doowahtow owawshakawshkayhk pi neekawnipayihtaw tipayischikaywin pi la gourmawnjeez;

Kenadaw owawkoostouwin avek Li Promyee Nawsyoon, Aen Michif pi Aen Niskimo Li moond kee-natounam chi-nakatishahawchik wiyawow chi-mamawoupichikihk see mashkawi-pimatishiwin ishi mishiwanchihtawin see famee wayashtaywin, kee-ishopimawchihounawniwun, amihayshtoutawin, la lawngaezh, li gouvanimaw, lee drway, pimachihouwin pi owawkoustouwin ishi li tayr.

OOMA NAKATAMAKAYWIN OUSCHI SHAKOUCHIHIWAYWIN PI PAKWATEM- INDIGENE PEEWAYMAYWAYWIN DIDAWN KENADAW MEENA KAYHKANAKWUN.

Ouschi **oushawmi iyikouhk tipahawin** ouschi:

- aka atoushkaywin
 - kitimikashouwin
 - nama nawnduw chi-weekihk
 - kiphikashouwin
 - li zawnfawn outinikawshouwin
 - machee-itahkamikun
- ↳ ishi **poovr si boon la sawntee**, avek:
- kawmshi-awhkoushihk
 - ka-awshoohawwuk awhkoushiwina
 - la sarvel awhkoushouwina
 - shakoochihikewin
 - ka-nipahishouhk

↳ akwa meena **poovr kawchitinamoowin ishi la sawntee pamihawaywin**;

ooma nakatamakaywin kee-ayimihiwew meena ahkamay itochikemakan ayimihikoowin ishi kaykawt kahkiyuw opimatishiwiniwaw Li Promyee Nawsyoon, Aen Michif pi Aen Niskimo Le moond lout bor Kanata anoush.

Ooma Ottawa soo Itapatishiwin ihtakwun ita aka kaw-itishinamakowiya, aka pakitayistamowin Li territwayr ouschi Anishinaabe Algonquin Nawsyoon, aykwawniniki soo ihtawin ooma daw li tayr yahkashtaw kayawsh ashpin ouschi.

Mitouni nikishchaymoonawn ishi Anishinaabe Algonquin La nawsyoon poor soo kishaywatishiw-wawkoustouwin poor kaw-ahkamay atoushkawtamahk chi-pamihawayhk il i febl alawntour lee mamabr daw soo la tayr.


Indigene Li moond kee-ihtakoowuk daw la tayr kaw-ishinihkawtayk Kenadaw kayawsh ashpin ouschi. Ooma Ottawa soo Itapatishiwin kakeestawmi weestam oohin nishtum ouschi kishkayistakwunwa lee drway ouschi kahkiyuw Li Promyee Nawsyoon, Aen Niskimo pi Aen Michif Li moond akwa meena Tretee Lee Drway ouschi kahkiyuw Li Promyee Nawsyoon lout bor ooma li tayr.

Ishi Ottawa nawut kayash ouschi pi aen groo pi nama nawnduw chi-weekihk a la brii pi en parchee'd aen system pi ay-ishihchikawtayiw aykwawnima kaw-kee-ahkamay itouchikawtayk shakouchihiwaywin, **Ooma Ottawa soo Itapatishiwin wawpastam panachihtowin ouschi shakouchihiwaywin pi pakwatem-Indigene peewaymaywaywin, avek mitouni mishtahi iyikouhk li noombr ouschi Li Promyee Nawsyoon, Aen Michif pi Aen Niskimo Li moond kaw-natoutahkik pamihawaywina.**

Ooma Ottawa soo Itapatishiwin itayimoow ishi weechiwawhkoostouwin aykwawnima wawpastahiwayw mashkuwsheewin pi shasheepishiwin ouschi Li Promyee Nawsyoon, Aen Niskimo pi Aen Michif Li moond, ouschipayiwn ishi katawa wawkoustouwin awnter indigene pi lee promyee blawn kawkeetakooshikik, mishkikawtayw didawn

la vayritee, rispay pi kwayash nishitoutamowin
en paw li tawn'd kayawsh ouschi ishi payyek en famee oushistawiniwun ouschi **Namwayut***

(kahkiyuw kiyawawn payyek).



*“Namwayut” si aykwawnima Kwak’wala itwaywin kaw-itwaymakuhk “Kahkiyuw kiyawawn payyek”. Wawpastahiwayw la valeur ouschi “kwayesh wawkoostouwina,” ka-pimatishihk ooma en tayr avek rispek pi shakihawaywin ishi kootak li moond, aen nanimaw, wawshakawshkayhk, pi mishiway la tayr. Aykwawnima nishitawinamouwin ouschi la valeur daw en tayr di veu ishi pi kee-ishopimawchihounawniwun ouschi Indigene li moond akwa meena kaw-aenportaan iyikouhk gisheetayimouwin pi takahkay ayiwaw nishitoutamouwin awnter Namoo-Indigene pi Indigene li moond.

“Ihtakwun trwaw kischee paminikaywina ouschi si vray weechiwawhkoostouwin: kishkayista, nishitouta, pi itoota.”

JODY WILSON-RAYBOULD

OOMA OTTAWA SOO ITAPATISHIWIN ITAYIMOOW MISHIWAY ITAY CHI-PIMOUHTAYW AEN SHMAEN OUSHCI WEECHIWAWHKOOSTOUWIN AVEK LI PROMYEE NAWSYOON, AEN MICHIF PI AEN NISKIMO EN PARTINEUZ CHI-:

Igzaminee pi pishishkayischikawtaywin niyanawn kaw-ayshitoutamahk

chi-kayschinahow kahkiyuw namoo-Indigene atoushkaywuk, oweechihwaywuk pi en partineuz outistikouwahk pakwaten-kitimahwayhk, weechiwawhkoostouwin, pi Indigene kee-ishopimawchihounawniwun il i pat dawnzee kishshinamakaywin akoushi ishi kahkiyuw Indigene ayishayinoowuk, atoushkaywuk, oweechihwaywuk pi en partineuz miyawawtamwak, kenawayihtakoushoow pi miyeu nishtawaymikawshoow.



Weesta la vayritee

ouschi Kenadaw soo li tawn'd kayawsh avek Li Promyee Nawsyoon.



Kenawawpaschikawtaywin pi weestamakaywin ouschi nikoucheewininawn too lee zawn

chi-atawmimiwayhk yahkouhtaywin pi taypashtawin kaw-natawayistakwahk.



Chi-paykishwawtamahk kaw-ishpayik ishi la sasyitee

aykwawnihi weechihwayw ishi mishtahi kaytiwateniwaywin ouschi nama nawnduw chi-weekihk pi li maizoun kwaytamawin poor Li Promyee Nawsyoon, Aen Michif pi Aen Niskimo Li moond chi-neeshohkamakayhk poor la shawnzhamawn.



Pamihawaywin poor ayiwawk il i pat dawnzee, nahayikouhk pi wayschi li maizoun kaw-tipahikayhk

poor Li Promyee Nawsyoon, Aen Michif pi Aen Niskimo Li moond shawpou neekawnayshtamawkaywin pi en partineuz weechayhtouwin.

